

陋軒集

附錄集

函一
五冊

陋軒詩

續

秦州夏
氏藏版

原序

祥符周亮工撰

予已丑過廣陵與汪子舟次交舟次每以制舉業
相質時年甚少未嘗見其爲詩也越十三年予復
至廣陵見舟次詩甚工予驚詢之舟次曰東淘有
吳賓賢者善爲詩予與之遊同學詩愧不逮也後
每見輒言賓賢不置若惟恐予不知有賓賢者且
曰賓賢每把先生詩勿勿不自禁淚輒涔涔下每
札至輒詢得先生新詩不聞先生寄予詩則急錄

之去聞先生近帙至則倉皇大索若追予逋負者
先生獄事急則向予曰安得雲中舒金色臂援周
先生使不死再見其三數詩先生固不屑與人同
調而又時發虞仲翔之歎以予論若賓賢者可謂
先生同調亦不可謂不知先生者矣因出其手錄
陋軒詩一帙示予予讀之心怦怦動已又見其寄
舟次札有夕陽殘照於時有幾之語不禁心悽欲
絕謂賓賢嘗恐不及見予予幸返今乃有不及見
賓賢之感矣急賦一詩寄之及退而語廣陵人則

絕不知有賓賢者鍾山龔野遺曰吳賓賢家東陶
東陶產鹽人擁高貲家不蓄書閒有書輒以覆瓿
或以拭牢盆賓賢居陋軒環堵不蔽自號野人野
人每晨起繙書枯坐少頃起立徐步操不聿疾書
已復細吟或大聲誦誦已復書或竟日苦思數合
毫不下又善病咯血血竭髯枯體僅骨立終亦不
廢里人相與笑之曰若何爲者若不煑素而固食
淡數指目以爲怪物野人終不之顧東陶舊有分
司使者署一使者至詢此閒有能文士否屬胥對

曰某不識能文士何等也見有手一編向之絮語
忽作數十字欣欣自以爲得意或者其是乎使者
則亟請之見數請數辟去辟之不得強與之見見
則大悅以爲眞能文士士固無出其右者東淘人
羣異之以爲是淡食者固可與長吏揖耶自是望
野人若不及漸有過其廬者野人終閉戶不與之
接嗟乎賓賢如是卽不旦夕死其終死於陋軒必
矣因彙其前後之作刻爲陋軒詩予門人昇州吳
介茲曰讀野人詩想見此老才于海濱空牆落日

攢眉索句路人作鬼聲唧唧挪揄時昔宋登春見
謝榛詩曰何乃津津諛貴丐活展賓賢詩竟卷如
入冰雪窖中使人冷畏嗟乎介茲數言可序野人
詩矣舟次名楫賓賢名嘉紀舟次別有集賓賢是
集行世會有知之者獨分司其地者能物色野人
當非俗吏而忘詢其姓氏惜哉

常非外更而論其技刃器

果詩則合有賦之香餅食同其賦古詩於已

有矣也本詩詩資習谷燕雖供老眼有染資

人本雲聲中對人命其與平食然幾言匹

則然高目而取者事則貴不始無資習舊

通風索會級人非與聲嘯嘯憾無執肯宋

原序

三原孫枝蔚撰

泰州之安豐場海濱斥鹵之鄉也明正德閒有布衣曰王艮號心齋以理學聞不百年有布衣曰吳嘉紀字賓賢號野人以工詩聞自兩賢相繼出而四方譚安豐場人物者皆嘖嘖心齋賓賢不置心齋能爲嚴苦峭厲之行而賓賢憂深思遠所爲詩多不自知其哀且怨者似與顏子之簞瓢陋巷曾皙之沂水舞雩旨趣殊焉余不獲及見心齋猶幸

得交賓賢垂三十年習知其爲人蓋醇厚而狷介者狷介則知恥醇厚則善自責善自責則恕於人其怨也非於人有所不平之謂也其哀也不過自鳴其所遇之窮且以爲詩不出於誠意則不足傳也故其體如此今有斥人者曰汝不誠則受者必艱然怒而詩之不誠則往往強自託於佩玉鳴珂以爲文不必標枝野鹿以爲質也然乎否乎此其非是亦最易別白者矣然予每三復其詩又未嘗不深有慨於古法之久亡也自鄉舉里選廢而簡

兮考槃之詩作矣自井田廢而大田南山之詩作
矣賢如賓賢而窮如此吾不獨爲賓賢悲也後世
有位君子有讀賓賢之詩如吾之悲者願無如吾
之徒悲而慨然以舉行周禮爲任庶幾怨調罕聞
而賓賢之詩有益於人之國家不既多乎或曰賓
賢今之處士獨無意於學顏曾與曰命不同也顏
曾非窮人也夫既得聖人而爲之師且其家庭亦
必有可樂者顏淵死於顏路之前而曾皙父子閒
事孟子略載之憂於國而樂於家窮於出而通於

處賓賢都未有此也而何疑於其哀且怨乎嗟乎
賓賢之哀怨乃其詩之誠也心齋踐履篤實其學
一本於誠使賓賢得與生同時則亦心齋之徒矣
豈獨以其詩鳴哉

吳處士墓誌

江都汪懋麟撰

處士名嘉紀字賓賢一字野人其先世載家乘中
居泰州安豐場地濱海斥鹵煮鹽爲業處士生而
穎異好讀書獨以溫然儒者居其鄉初學科舉後
遂棄去閉門窮居蓬蒿土室名所居曰陋軒終日
把一卷苦吟自娛晚年善病或并日一食不以告
人里人不知也近海多暴風疾雨水湧數丈鹵地
爲魚場人絕粒動稱凶年處士廬舍污窪每歲水

至常及半扉井竈盡塌苦吟不輟其爲詩工爲嚴
冷危苦之詞所撰今樂府尤淒急幽奧皆變通陳
跡自爲一宗近代巖棲之作鮮有過之者積旣久
稍稍流傳於時爲周櫟園王阮亭兩公所知兩公
官省郡強致之力疾一出布衣草履低頭座上終
日不出一語兩公善譚論每說詩樹議鉤致處士
數語微中而已兩公雅重之卽送歸海濱處士生
平不妄與人交所善惟三原孫豹人枝蔚邵陽王
幼華又旦休甯汪舟次楫歙縣郝羽吉士儀處士

時飢寒不給舟次羽吉時緩急之其見知於周王
兩公也則舟次延譽焉處士篤於孝友其諸兄有
死於鬪者竭力以斂其遺孤逋場稅爲州吏所撈
掠處士匍匐營救州吏聞其名卽省釋處士生數
子皆不學或舂賃無以自資故閉門以窮老終處
士生於前明萬厯二十九年九月二十二日歿於國
朝康熙甲子春三月年六十有七所爲陋軒詩若
千卷板行於世處士旣卒之明年幼華以都給事
中典廣東鄉試返命紆道揚州哭之留金其家時

舟次亦以翰林奉使海外憂歸爲經紀其葬葬於
梁埰開家舍之原爲之書碣曰東淘布衣吳野人
先生之墓遠近義之余交處士稍晚常屬余序其
詩至是余兄舟次命爲墓誌不獲辭處士素謂余
知之也

陋軒詩續 卷上

泰州吳嘉紀野人著

鄉後學夏荃退庵輯

促織

小蟲開夕響一若爲寒侵不顧愁中夜公然榻下
唵能停孤客夢兼到去年心閱盡秋聲處哀音不
似今

酬公調諸子見過不遇之作

交寡如吾者門庭常是秋君初尋澹侶我又似孤